

四庫全書

史部

欽定四庫全書

史部  
浙江通志卷一百五十六

詳校官給事中臣戴璐

檢討臣德生覆勛

總校官編修臣倉聖脉

校對官中書臣李荃

謄錄監生臣任楫文

欽定四庫全書

浙江通志卷一百五十六

名宦

十一

嚴州府

三國吳

陳表

吳書陳武傳武廬江人庶子表字文與嘉禾三年諸葛恪領丹陽太守討平山越以表領新安

都尉初表所受賜復人得二百家在會稽新安縣

表簡視其人皆堪好兵乃上疏陳讓乞以還官充

足精銳權甚嘉之下郡縣料正戶贏民以補其處

表在官三年廣開降納得兵萬餘人事捷當出會

鄱陽民吳遽等為亂表便越界赴討遽以破敗遂降陸遜拜表偏將軍進封都鄉侯

### 南北朝

羊欣

南史本傳字敬元泰山南城人義熙中為新安太守在郡四年簡惠著稱除臨川王義慶輔國

長史廬陵王義真車騎諮議叅軍並不就文帝重以為新安太守在郡十三年樂其山水嘗謂子弟

曰人生仕官至二千石斯可矣及是便懷止足轉義興太守非其好也

蕭幾

南史本傳字德元齊宗室早孤有弟九人並幼幾恩愛篤睦聞於朝廷清貧自立位中書侍郎

尚書左丞未為新安太守郡多山水特其所好適性遊履遂為之記子清亦有文才位永康令

蕭穎胄

嚴陵志字雲長自中書郎除左軍將軍知殿內文武事入便殿出為新安太守吏人懷之

任昉

南史本傳字彥昇樂安博昌人武帝踐阼出為義興太守尋轉新安太守在郡不事邊幅率然

曳杖徒行邑郭人通辭訟者就路決焉為政清省吏人便之卒於官唯有桃花米二十石無以為殮遺言不許以新安物還都雜木為棺浣衣為殮闔境痛惜百姓共立祠堂於城南歲時祀之追贈太常謚曰敬子昉好獎進士友在郡尤以清潔著名百姓年八十以上者遣戶曹掾訪其寒溫郡有窳嶺及楊梅舊為太守所采昉以冒險多物故即時停絕吏人咸以為百年來未之有也

徐摛

南史本傳字士秀東海郟人大通初魚寧蠻府長史參贊戎政教令軍書多自摛出帝甚加歎

異寵遇日隆領軍朱异不悅乘間白帝曰摛年老又愛泉石意在一郡自養帝謂摛曰新安大好山水任昉等竝經為之卿為我臨此郡中大通三年遂出為新安太守為政清靜教人禮義勸課農桑

期月風俗便改  
秩滿為中庶子

陸繕 新定志永定中留異割據東陽新安人向  
文壁與異連結繕為新安太守討平之

唐

房瑄

唐書本傳字次律河南人少好學風度沈整以  
陰補弘文生開元中為校書郎拜監察御史出

為睦州司戶叅軍復為縣所  
至上德化興長利以治最顯

張伯儀

唐書本傳魏州人以戰功隸李光弼軍浙賊  
表晁反使伯儀討平之功第一擢睦州刺史

後為江陵節度使舊浙江通志伯儀樸厚  
不知書推誠遇人軍中畏肅民亦使之

蕭定

舊唐書本傳字梅臣南蘭陵人累遷侍御史考  
功員外郎歷信湖宋睦潤五州刺史所蒞有政

聿大厯中有司條天下牧守課績唯定與常州刺史蕭復濠州刺史張鎰為理行第一具勸農桑均賦稅逋亡歸復戶口增加定又冠馬尋遠戶部侍郎太常卿除太子少師

韓洄

明一統志乾元中江淮凶饑而新安特甚時推洄能名除睦州別駕知州事舊浙江通志洄長

安人罷允食胥吏遂至盈積而不艱食

李幼清

嘉靖浙江通志姑臧人元和初為睦州刺史時浙西觀察使李錡竊財聚黨憲宗即位大

立制度於是錡恐視部中良守不為已用者誣陷去之幼清由是得罪使御史按問館於睦自門及堂皆錡私卒為衛廷臣猶用其文斥幼清南海幼清行錡聚盜百人遮於楚越之郊幼清戰且走乃得免既而錡伏誅論者謂宜還幼清以明其誣後移永州

李道古

唐書本傳道古嗣曹成王臯子自司門員外郎  
刺利隨唐睦四州人為少宗正兼御史中丞

其在睦州嘗作大廳記載永徽至  
元和刺史名姓除拜歲月甚備

許渾

嘉靖浙江通志字用晦丹陽人太和六年進士  
為太平縣令後辟監察御史歷睦州刺史所至

有善政渾長於詩  
有丁卯集行於世

呂述

嚴陵志開成三年自祠  
部郎中拜睦州刺史

謹按圖經紀事云嘗得述所作城隍廟碑具載遷  
建神宇以祈垂祐於民有云使封疆無水旱之虞  
牧守成富庶之績又得馬目山建新廟記有云開  
成己未歲大旱致精意於神越三日而雨乃沂江  
四十里躬擇廟位依山勢以取高祭為新廟明年  
廟成率將吏以釁之祝以永膺斯民觀此亦可見



誠心於  
愛民矣

牛叢

嘉靖浙江通志字表齡僧孺之子進士任補闕  
數言事以司勳員外郎為睦州刺史帝勞曰卿

得非怨宰相乎對曰陛下比詔不由刺史縣令不  
得任近臣宰相以是擢臣非嫌也至州盡心職事

民獲  
所安

戴筠

萬曆嚴州府志景福二年為壽昌令開西湖蓄  
新塘坂之餘水東開暗溝五百餘丈引湖水從

東門出溉東郭之田復作橋  
於湖上以便行者民賴之

陳明府

萬曆嚴州府志青州人失其名唐龍德中為  
青溪令黃巢之亂與二子率邑人避兵進賢

鄉之屏風巖巢兵圍七日引弓發石擊之巢兵大  
潰殺傷不可勝計邑人德之為建陳府君祠於巖

上

宋

田錫

宋史本傳字表聖嘉州洪雅人太平興國三年進士高第釋褐將作監丞遷著作郎改左拾遺

直史館知相州改右補闕明年移睦州州人舊阻禮教錫建孔子廟表請以經籍給諸生詔賜九經自是人知向學錫耿介寡合未嘗趨權貴之門居公庭危坐終日無懈容慕魏徵李絳之為人以盡規獻替為己任嘗曰吾立朝以來章疏五十有二皆諫臣任職之常言苟獲從幸也豈可藏副示後

諤時嘗直  
耶命焚之

王臻

宋史本傳字及之潁州汝陰人舉進士中第為大理評事以監察御史知睦州仁宗即位累遷

尚書工部郎中以右諫議大夫權御  
史中丞孫剛嚴善決事所至有風績

江休復

歐陽修江休復墓誌字鄰幾進士及第慶歷  
時通判睦州累遷刑部侍郎休復於治人則

曰為政所以安民也無擾之而已故所至民樂其  
簡易至辨疑折獄則或權以術舉無不得而不常  
用亦不自以為能嘉  
祐五年終於京師

陳澤民

嘉靖浙江通志元祐中知壽昌有惠政於民  
後為戶部郎邑人思之因其所鑿山泉以戶

部泉  
名之

呂希純

嘉靖浙江通志字子進公著子也紹聖元年  
自亳州移知睦州以歛發二港歲溢為患建

廟為文以祭之自是無復水患  
在州多賦詠邦人至今傳誦

張確

東都事畧字子固邠州宜祿人舉進士宣和中方臘起青溪勢張甚確上言此皆王民也但庸

人擾之耳陛下下哀痛之詔省不急之務敢有以華石淫巧供上者死務在撫綏則決旬之間必可殄滅矣宰相王黼怒出確道判杭州攝睦州確以方畧授諸將賊由是遂敗歷知坊沔解三州徙隆德府金師入城陷死

之贈述古殿直學士

蔡肇

嚴陵志字天啟丹陽人大觀中自吏部員外郎罷為宮祠起知睦州有惠愛邦人懷之入為禮

部郎中召試中書舍人

黃璘

萬厯嚴州府志字邦美建寧人政和八年登第除分水丞存心民隱善類以安改官襄邑金人

南侵璘赴井死詔贈朝奉郎

吳曾

嘉靖浙江通志崇仁人高宗時獻所著書累官吏部郎奉祠久之起知嚴州去貪吏恤良民善

政著聞平生苦學為文奇偉所著有得閑文集能改齋漫錄

臧棹

嘉靖浙江通志紹興間為壽昌令循良清謹字民有道殿中侍御史張絢以聞既覈實令再任

以觀政績高宗曰若得賢令如此一方皆受其惠非細事也既而教化大行為三輔最

胡寅

新定續志字明仲建寧人紹興六年以徽猷閣待制知嚴州政教並行民用胥勸未幾移知永

州今學宮寅所改作也

周操

萬歷嚴州府志紹興九年為淳安尉盜遁奸屏德洽惠敷葺一室於官廨西序為藏書校讐之

所題曰拄笏軒官至吏部尚書

蕭燧

宋史本傳字照鄰臨江軍人紹興十八年擢進士高第累遷刑部侍郎出知嚴州嚴地狹財匱

始至官錮不滿二千燧儉以足用二年之間積至十五萬以其羨補積逋諸邑皆寬先是宣和庚子方臘盜起甲子一周人人憂懼會遂安令賧土兵廩給羣言洵洵燧急易令且呼卒長告戒悉畏服城中惡少羣擾市燧密籍姓名涇補軍額人以安堵詔燧治郡有勞除敷文閣待制移知婺州父老遮道幾不得行送出境者以千數婺與嚴鄰人熟知條教不勞而治歲旱浙西常平司請移粟於嚴燧謂東西異路不當與然安忍坐視為請諸朝發太倉米賑之十六年權知樞密院提舉臨安府洞

霄宮

劉清之

宋史本傳字子澄臨江人紹興二十七年進士袁州宜春縣主簿改建德縣主簿請於州

俾氏自賈其戶由是賦役平爭訟息調知宜黃縣  
丞相周必大薦於孝宗召入對首論民困兵驕大  
臣退托小臣苟媮又言用人四事  
改太常寺主簿光宗即位知袁州

張棻

新定續志字敬夫廣漢人乾道五年以直祕閣  
知嚴州其治以教化為先務奏蠲丁鹽錢絹民

以蕃庶旅名山斥淫祠令學門  
棻所創也景定辛酉封華陽伯

張棲筠

萬歷嚴州府志都陽人乾道六  
年知淳安以廉能稱邑人祠之

陳騁

萬歷嚴州府志字日華福唐人淳熙五年知淳  
安時詔州府舉行義役騁集大姓於庭多方喻  
之衆皆聽命有古渠淤塞不治騁浚治之又作惠  
人橋於合洋浦築錫溪館以延使容民使之塑像

祠於  
學宮

趙汝澧

萬歷嚴州府志宗室子嘉熙元年以奉議郎知桐廬撥縣帑五千緡增置學田養士又

創屋三楹於常平倉後捐已俸糴豐糴歛名惠民倉人便之

趙崇嶠

嘉靖浙江通志南豐人嘉定間為淳安縣上疏極論中人專橫官至朝散大夫

楊恕

嚴陵志京口人嘉定八年知淳安縣公勤廉慎吏畏而民懷之

虞焄

嚴陵志陵陽人淳祐五年知淳安縣在任有惠政民祠於學

吳槃

萬歷嚴州府志寶祐中以朝奉郎知嚴州多惠政時帝以御寶黃冊儲內藏坊場錢槃奏言龍

章鳳篆施於帑藏之催科寶冊泥封下同官吏之文檄事雖至微關係甚大董宋臣諷臺諫劾罷之

黎舉德

萬歷嚴州府志景定間知壽昌為政寬厚民安其化娛情山水之間作南昌勝景亭屏山



第一峰涵碧亭又作龍骨亭於青龍山後人望其亭者以比甘棠又建朝京橋於白艾溪往來者便之

張震

明一統志知嚴州州舊有章惇祠震命毀去而以范仲淹易之

趙與欖

新安續志咸淳元年知建德縣三年差通判建德府寧邑之次年民以旱澇告遂請於朝得粟一萬斛以濟暨解任以積下俸錢并通判廳辦備堂從物錢預為本邑人戶代輸咸淳四年茶

租錢一年於府

曾子良

嚴陵志臨川人咸淳未知淳安縣清慎自守時邊事已急多方保障民賴以安

元

王子玉

明一統志至元中為壽昌尹時江南新附徭役繁劇子玉每抱告身詣府泣訴卒減差科

李思誠

萬歷嚴州府志字宗德青齊人至元中為壽昌尉勸學興賢建齋室門廡繪先賢遺像又

構翼講堂茶鑪琴室煥然一新其歸省也作十八詠詩以遺學者由是士知嚮風

馬世榮

明一統志大德中為壽昌尹治多善政嘗率民於近縣築堤障水民賴之名曰馬公堤

鄭千齡

萬歷嚴州府志字耆卿新安人延祐六年為淳安縣尉百廢具興構晦菴之祠表融堂之

墓闢梅隱之軒新南邵之廟善政迭出

劉耕孫

元史本傳字存吾茶陵州人至順元年進士授承仕郎桂陽路臨武縣尹歷建德路推官

所至詳讞疑獄其政績卓然者甚衆轉儒林郎寧國路推官會長鎗軍瑣南珽程述謝璽等攻寧國力

戰過  
害

朱倬

明一統志至正間為遂安尹以興學為先務隣境盜竊發倬集鄉民禦之邑賴以安

哈喇丹

萬曆嚴州府志至正十七年任壽昌簿三年再陞宣差制服豪強用法平恕士民安之其

去也擁道遮留邑人為建去思亭

明

郭彥仁

獻徵錄無為州人歸附太祖以忠謹被知李文忠用兵浙西彥仁為叅謀文忠守嚴州命

彥仁充本司督事文忠待彥仁體甚隆凡攻守機畧悉預裁畫金華苗將蔣英等作亂殺守臣叅政胡大海文忠即遣彥仁率兵討之彥仁魚程而進至蘭溪英等懼夜半遁去彥仁遂入金華撫其民

時處州苗將李佑之等亦殺守將耿再成文忠復調彥仁領兵屯縉雲以遏其侵軼後援新城取杭

州平浙西皆預有勞績授嚴州府知府

彭子沖

嚴陵志字允升安福人洪武五年知壽昌縣時承元末兵火之後市井殘破解宇草創子

沖至慨然以起廢為已任首勅儒宮建會通橋修塘堰以興水利築壇場以嚴祀事發奸擗伏吏不

敢欺在任四年政平訟息陞池州府同知

顧執中

萬歷嚴州府志鎮江人洪武六年知建德縣勅建祀典壇場施設有方民不知勞籍人戶

丁田之數分為數等有科差則親閱其籍量事之輕重難易務得其平十夫一小牌百夫一大牌以櫛威之遇有發遣則量數給牌役畢即收牌置之別櫛以備稽考周而復始民無徭役不均之嘆

牛敬禮

萬厯嚴州府志浦城人洪武八年任壽昌令  
撫字有方催科得法遺疾伏枕吏有問疾饋

食者敬禮曰豈可受人

無故之物還之而逝

季仲蘭

嚴陵志浦城人洪武二十年知嚴州勤  
於政事有惠愛及民一郡翕然從化

潘惟學

嘉靖浙江通志寧國人洪武末為嚴州知  
府為政不苛推行有漸既去而民思之

楊信

嚴陵志邯鄲人永樂中由太學生知桐廬莅政  
廉勤人不敢干以私拘人惟發信牌不遣吏卒

民有訟庭決之不復下獄囚為空秩滿  
者民張彥亨等三百餘人詣闕保留復任

李興

萬厯嚴州府志福建人永樂十年由戶部郎知  
嚴州操履廉正束吏甚嚴而撫民則寬設量衡

於市以平交易催科度緩急給牌為  
期而民不敢後鄉閭無吏卒之擾

楊移

壽昌縣志金溪人永樂十一年為壽昌縣丞處事有方委造海船於桐廬親計其料之多寡而

用無毫髮私先是縣造驛船多為稍水通同官吏高價包攬移回縣令船戶自造送於驛所遂革其

弊以  
憂去

侯康遠

建德縣志弋陽人宣德三年知建德縣新邑治興學校推誠撫字甚有惠政在官九年民

生樂業一時  
稱賢令云

萬觀

嚴陵志字經訓南昌人宣德八年由監察御史知嚴州臨下莊肅處事詳審修舉廢墜重建嚴

先生祠以表勵風俗  
留意學校作興人材

范衷

嚴陵志豐城人宣德七年以進士為壽昌令公正仁恕卓有能聲流民皆復舊業荒田之闢三

十有六頃水利之興三百四十有六所饑者有所濟老疾者有所養九年任滿邑民千有餘人列狀

借留  
復任

張永

萬歷嚴州府志字邵齡四川南充人天順三年由禮部主客司主事任嚴州知府悉心民隱興

利除弊嘗督衆墾闢沙渚田二千八百餘畝陞科  
授民均徭役定賦稅裁弓段之妄費減水夫之培  
剋民貧不能葬者或諭令鄰保相助或量給公帑  
羨餘周之注意學校擇郡縣軍民之俊異者講學  
於廳事後之肅敬軒日程其業多所造就辛巳歲  
郡被水災即以上聞減夏稅之半受民詞立為斷  
遣獄無囚繫治稱神明九載秩  
滿陞江西左叅政遷右布政使

李堅

桐廬縣志唐縣人天順間由監察御史謫典史  
陞桐廬知縣仁以育民明以斷獄遇事敢為不

避權勢捐俸積儲以濟民  
饑均徭省役以寬民力

成禮

遼安縣志阜城人景泰六年知遼安縣疏泮池圍以石欄

樹橋星門易以石柱補  
祭器葺廡宇宮牆一新

張獻

嚴陵志秦州人成化六年由進士授遼安令以廉介律己以豈弟臨民均賦役興學校治水利

流亡漸復舊業豪  
強亦皆奉法循理

劉永寬

萬歷嚴州府志江夏人初授松江通判成化七年改除嚴州剛介廉潔不避權要發奸摘

伏人以為神秩  
滿陞霸州知州

盧勗

桐廬縣志東莞人成化十六年知桐廬縣德器溫粹政尚寬平陞工部主事



鄧廷瓚

徵獻錄字宗器巴陵人景泰甲戌進士知淳安縣訪民疾苦專施惠政不求赫赫名兵部

尚書張鵬薦知梧州成化中遷太僕寺丞擢山東布政司左叅政貴州巡撫贈太子少保諡襄敏

朱暄

嚴陵志字景文高郵州人成化五年由監察御史任嚴州知府興廢舉墜內外公署煥然一新

築城南隄以禦水患東門至富春驛舊路湫隘拓為坦途夾植以柳相望數里人號朱公柳作興學校待諸生饋廩尤厚又買地為義塚以葬無所殯者陞福建右叅政

馬隆

桐廬縣志鞏縣人成化八年任桐廬縣縣堂傾圮捐俸改建而民不病在任三年分毫不染自

奉淡泊而愛民之心終始如一後擢監察御史

王衡

淳安縣志稷山人成化間由進士知淳安縣廉而有為百廢悉舉作興學校激厲士風重建尊

經閣為諸生講習之所考滿陞御史

何珖

桐廬縣志順德人成化十一年知桐廬縣立三限催科之期禁吏卒下鄉之擾剖決如流悉中

理法吏不敢售其奸獄無冤囚百姓安堵閱四載以才行超卓擢監察御史

鄒以倫

舊浙江通志福建清流人成化中知分水縣事上不阿臨下不虐邑民賴之

鄺才

萬歷嚴州府志字時用南海人成化二十年任嚴州同知律已廉介分毫無取於民清軍伍定

徭役公而且明嘗刻嚴子陵釣臺集行世

李德恢

萬歷嚴州府志東安人弘治二年任嚴州知府揭申教養榜一十八條自六禮八政以至

耕種曲盡生民之要興廢去弊修理學校作興士類新子陵祠嘗慨圖經新定續志等書湮廢日久

編輯郡志四十餘卷  
在任九年陞叅政去

何粲

萬曆嚴州府志廣東順德人弘治三年任分水知縣寬厚持己平易近民首重學校宮牆廡齋

舍宇煥然  
新作興士類

張學

嚴州府志常熟人弘治三年由舉人知遂安縣政多惠愛民立祠祀之

汪宗禮

舊浙江通志繁昌人監察御史弘治中左遷壽昌令抑強扶弱起頽舉廢吏治一新

林光

萬曆嚴州府志字緝熙東莞人弘治間授嚴州教授與人接藹然溢於言貌士以是親炙日益

衆造人不枉其材質有資頡異者  
與之講白沙自然之學率有成立

胡韶

萬曆嚴州府志都陽人弘治十二年任嚴州知府立心公正政在得民處僚友以義接士夫以

禮課士興賢獄清訟簡有胡青天  
之號陞湖廣叅政官至刑部侍郎

陳和

桐廬縣志龍巖人弘治十四年任桐廬莅政剛  
果鋤強植善值攢造黃冊盡心清查加增戶口

一圖擢監

察御史

趙章

舊浙江通志山東臨清州人正德中為刑部員外  
郎車駕南巡伏闕極諫廷杖謫巖州同知愛民

敬賢孜孜不倦  
倦尋陞長史

丁楷

桐廬縣志懷寧人正德元年任桐廬縣興學校  
正風俗未期年而政成懇禱止雨辟火返風亦

德政之一徵也以母  
喪去擢監察御史

金選

舊浙江通志湖廣荊門州人正德間知  
淳安節用愛民緩於催科田野樂業

孫瓚

舊浙江通志陽穀人正德中知桐廬耿介不阿廉平有守

孟春

萬厯嚴州府志字時元山西澤州人正德三年任嚴州知府政務寬平每與諸生論議經史終日不倦憫恤孤苦寬刑弛禁嘗謂人曰嚴為睦州民淳事簡何以重罰為牧民之道固當如此秩滿

陞太僕卿歷  
官吏部侍郎

黃俊

武進縣志武進人弘治己未進士由刑部郎中守嚴州首錄嚴光之後捐俸立學置田以贍養

之值歲大饑貧民流攜載道俊曰吾有倉廩而坐視民饑以死是不仁也待請而後發民具就斃矣即日傾倉賑給設粥施藥活者以萬計調漢陽去嚴之日老祥悲泣遮留弗能得乃肖像以祠之

容九霄

遂安縣志字子升廣西陽朔人舉人正德七年知遂安持身廉介處事明敏歲癸酉流賊

侵開化官兵集遂境者數十萬守巡聞帥駐節者數十輩謀報旁午賊迫馬金衆望風奔潰九霄率民兵結寨於高喬山手弓矢殺數賊賊憚之遁去隨力請設險創為城郭民立碑紀績

曹珪

桐廬縣志黃岡人正德七年任桐廬縣時屢年旱曠又江西盜起邊軍南下珪經畫周綴事濟

而民不擾以賢能薦改海寧縣陞御史

陳渭

舊浙江通志四川江津人弘治中知淳安縣公清仁恕吏畏民懷

胡茂實

萬歷嚴州府志眉州人正德七年任嚴州典史時劇賊王浩八嘯聚衢歛茂實承檄率兵

守開化馬金等要處擊斬賊徒幕府論功賞

向正

嚴州府志湖廣人正德間任建德縣當王浩八之亂督府鎮守司道並集府城供億調度悉有

條理民  
得以安

胡仲謨

遂安縣志字啟忠  
歙水人嘉靖元年知遂安  
縣沈毅樸訥臨事不苟  
未嘗以詞色假人民

之奸良立辨豪猾  
斂跡民皆樂業

海瑞

名山藏字汝賢瓊山人  
舉人授南平教諭  
逸淳安知縣草去常例  
之無名者俸薪外不取絲粟

僮僕出縣舍刈楚中林吏胥公事罪各還家為農  
治生從其本業其治縣精詳凡叢雜煩屑無不明  
晰至於大董之則兵陣之法濟饑之物草木之實  
悉出示民總督胡宗憲子還自父任索驛夫不給  
懸驛吏傳亭上瑞曰胡大人清廉潔已無二出教  
當其行縣時屬官不得侈帳具續食今其裝重甚  
盛必非胡大人子發其裝得金數千納之庫馳告  
宗憲宗憲無以罪也都御史駟懋卿以總理鹽法

行部攜妾裝五絳輿以十二女昇令長跪上食廁飾文錦溺器用白金至瑞縣供帳甚疎自言邑貧不能容軒蓋懋卿怒甚聞其發胡公子裝斂威去嘗曰加派增賦取民財以奉過客悅卿士大夫吾不為也夫絹出於桑糧出田畝朝廷取民不為厲也加派增賦動以朝廷為口實為欺與謗抑何甚焉居淳安三年遷嘉興通判同時為慈谿知縣者霍與瑕亦粵人其清鯁不屈類瑞懋卿嗾御史劾之瑞與瑕俱落職後瑞以故秩調興國擢戶部主事歷南右都御史卒於官年七十四諡忠介

朱木

獻徵錄字子喬常熟人領鄉薦除山東昌樂縣擢南臺御史執政逐不已附者逮治廷杖幾斃

出判鄭州會浙中繕兵部使者因檄之行還知遂安縣歲禋民沮山發礦格殺官捕勢張甚將蔓部使者檄木勦平之木感然曰民不聊生計無所出直利此土中錙銖度晨夕耳何用煩兵且濫及無



辜為乃引兵駐山遣人諭以禍福羣盜於嶺上望見木羅拜大呼曰仁侯有令吾屬敢不服從立解散去部使者獎之逸敘州府同知馳還稱病不出

陳煥

萬歷嚴州府志字德彰貴溪人嘉靖八年由刑部郎知嚴州廉靜有守政務寬平尤重學校選

七學諸生集玄元觀聘學行之優者分教之俗重嫁女有不育者乃嚴湔沒之禁入覲行李蕭然後卒於官

陳嘉猷

建德縣志番禺人嘉靖九年知建德縣寬以愛民勤以聽政以民心為己心處官事如家

事陞嘉  
興通判

韓叔陽

舊浙江通志高淳人初令浦江有異政嘉靖中知嚴州賑饑恤患片言折獄築東興二湖

為百世利修思范亭嚴陵祠  
以勵風教陞湖廣按察副使

潘絲

獻徵錄字朝言婺源人嘉靖乙丑浙東曠盜起  
抵婺縱兵四掠又明年入歙六邑洵洵部使者

强起絲大破之御史超格薦之授嚴州府別駕權  
知分水縣縣喜訟大者斧致細者縷解吏從旁瞪  
視不敢吐聲息又丁户多浮額民苦之乃鈎稽故  
蹟去虛丁以千數三月而邑大治移攝建德蠲歲  
徵八百有奇刊為額有替胥令子售基地於姪子  
死訟奪之絲知其奸而念其替也好謂曰姪誠爾  
負券業已成矣我以俸金為若直替輸情  
自服曰寧死忍欺明府耶其服人心如此

楊守仁

萬歷嚴州府志字嘉復漳浦人以刑部郎任  
嚴州府才情練達振刷一新始以公署偏處

後堂之西日益傾圯即捐俸鳩工改於正堂之後  
出入正中規制宏敞又修改府學移櫺星門於前

鑿泮池起仰聖門於儀門之側立會以課七庠之士悉照棘園三塲親督之皆捐已俸且親為品隲焉

孫曜

萬曆嚴州府志丹陽人嘉靖六年任嚴州通判居官清慎事母至孝

林巖

淳安縣志字茂貞閩人由進士令淳安明敏寬和修學宮葺書院置浮梁設社學廣義塚封壇

儲倉陞太倉州邑人  
樹碑建祠於南屏山

郝光輔

舊浙江通志廣西馬平人令建德禁差徭革火耗甄拔寒士解衣授餐殆無虛晷大量躬

親復畝建邑條鞭冊籍皆其  
手定催科撫字人稱父母

吳世澤

萬曆嚴州府志字宗仁福建連江人嘉靖十四年任嚴州知府時遂安礦徒猖獗親搗具

巢擒其首惡又弼大水汜濫入城豫為之備民心乃安陞廣西按察司副使

宿應麟

舊浙江通志山東掖縣人嘉靖中知嚴州介剛方愷悌接物在任三年豪右屏跡獄無

民寃

劉泉

萬歷嚴州府志常熟人嘉靖三十年任嚴州府推官闔郡豪右無不斂跡署印淳安風清弊絕

胥吏畏之凡以人命評訟或服藥縊死圖詐者鞠治之刁風始息

王鑛

萬歷嚴州府志閩縣人嘉靖二十三年任分水縣縣無城郭為築四門修武備造演武亭

胡文彬

嚴州府志績溪人嘉靖三十年任嚴州通判清苦自勵事事鎮密僚友重其為人時同鄉

為督府者人皆趨之而文彬若不識也

唐繼祿

舊浙江通志上海人嘉靖中知遂安簡靜端恪政尚寬平

吳紳

萬厯嚴州府志字克復莆田人嘉靖三十三年任桐廬縣建安東書院以啟迪士類行鄉約社

倉以惠養黎庶均徭役飭武備陞常州府判

周望

萬厯嚴州府志字道見東莞人嘉靖四十三年由工部郎任嚴州知府建德縣學科第久之周

視建安山陽風氣攸鍾力為改建嘗修東西兩湖以備旱澇又裁驛遞之冗役省供應之虛費三年之間積金七千五百餘兩悉貯府庫欲代民稅後江山借以築城并城遂安焉

顧學仁

遂安縣志字元甫華亭人舉人嘉靖四十二年任遂安縣慈惠及民政多節省當流寇之

亂干戈空惚而靜鎮不擾去後民設像祀之

宋璘

萬曆嚴州府志字玉輝來安人嘉靖丙辰授嚴州節推鞠獄必三覆乃決諸當道不能決者畢

歸之淳安人某以毆殺事連坐廉得狀立為平反視篆建德故賦絹例金入長官裁去毋敢饋者九廟鉅工索材木璘監焉徽大賈胡某持金為獻峻拒之子陵祠祀市田三十畝俾歲葺且供祭事其裔寔而鰥助之使婚白督學界衣巾以世厥祠

楊成

分省人物考字全卿其先桃源人以靖難武功隸南京留守嘉靖壬辰登進士第守嚴州嚴多

山寡田俗尚勁悍務嗇較利下車首罷牛憑之驚民間孕而生女恒溺殺之以省粧費宣揭厲禁多所全活擢四川左叅政

陳元

壽昌縣志峽江人由舉人任壽昌知縣持守甚嚴一無所取學校之政真實舉行捐俸建塔於

青龍山邑之橋梁廢圯者助  
修凡四十餘所丁內艱去

周恪

遂安縣志字有之直隸太平人隆慶二年任遂  
安縣留心風化迪士臨民舉皆真切拓泮池新

官署津梁道  
路咸改觀焉

陳彝

萬厯嚴州府志青州衛人隆慶四年任嚴州通  
判之官攜一子一僕布衣蔬食澹如也歲以俸

十二金奉母餘悉賑貧乏及罪贖之莫辦者署篆  
桐廬增修祭器俱出俸資桐民某罪坐侵欺編伍  
立為反正淳民有先塚為豪右所發往按之夢一  
偉丈夫以帕裹其頭顯如斗大來訴竊發者遂伏  
卓焉按撫委視松江嘉興運司事多建白寬  
竈丁災傷四千八百有奇代還送者如堵

吳樞謙

遂安縣志臨川人隆慶五年由進士知遂安  
縣英敏任事作士愛民築城創學葺書院纂

邑乘飭宗法習賓射嚴條編查飛說  
舉隆修廢百度維新歷陞溫處兵備

蔡茂春

舊浙江通志湖廣麻城人隆慶間建德令興  
學育才勸農積穀徭役惟均捕盜恤孤設義

塚立小學興利  
除害無不條舉

徐鳴玉

萬歷嚴州府志江陰人隆慶間任嚴府訓導  
每論諸生涵養本體居敬敦倫間有超悟者

亟進之所著有綜貫正紀儒學一覽文籍  
世編歷代人物氏名紀文籍源流等書

黃功懋

萬歷嚴州府志開縣人以戶部郎中任嚴州  
初至郡即語寮屬曰茲郡幸無髡髡焉用斤

斧惟當大荒之後生理為艱盜賊竊發獨嚴比閭  
之法崔苻潛消四郊無警時遇洪水入城乃設糜  
分給及赤旱經旬百計虔禱甘澍立沛又發  
倉大賑饑建躍龍亭以回風氣民藉寧謐



俞汝為

建德縣志字毅夫華亭人由進士先令壽昌有異政當道以建德令坐屢代事多廢弛疏

改建德在事三載百廢具興新巒序迪正學改造縣門初修縣橋大培風氣嗣後來者始獲久事

蕭元岡

萬歷嚴州府志字希高泰和人萬歷間令淳安修靈堤濬古渠築二湖陂塹立十牌坊廣

橋星門初賓興院闢縣治拓康衢資用悉捐己俸及錢金佐之

龔承先

分水縣志合肥人萬歷間知分水莅任六載愛民禮士敬老恤孤修學築堰百廢具興草

禁一切陋規不徇情面

鄭銳

舊浙江通志涇縣人知嚴州以府地傾於東南風氣不聚閭閻鮮有蓋藏創文昌閣培高隴直

接山麓民間藉以殷阜

陸經

萬歷嚴州府志字載道長洲人由進士任嚴州推官時遇大荒疫病繼作流亡滿路經施糜施

藥悉捐已資復令各門報死無歸者給櫬葬之至有一日報百餘人悉為酌處任滿被召仍捐已俸分散六邑積穀備賑造讀書樓五間於衙之東首貯書一百部於上

詹爾達

萬歷嚴州府志字思理為遂安知縣一切公費給於官不許里遞派累細戶吏有乾沒及

舞文者立寘之法歲饑發義倉賑濟全活者無算遂隣新安氏多掠賣子女爾達沒其價而償其人此風坐寢葺邑校課士而甲乙之又捐俸置學田四十餘畝以供諸生月課而士之突無烟長無室者與喪不能殯者咸取給焉

呂昌期

舊浙江通志溧陽人萬歷中知嚴州明敏精勵修郡志以備文獻開濬來賢湖造建蒼山

下橋尤喜  
接引士類

蔡方平

淳安縣志字君衡詔安人由選貢知淳安甫下車歲大祲饑民嘯聚方平撫諭解散發粟

賑給全活甚衆定差徭雪冤獄尤加意作人修學宮濬靈港課藝周貧文風聿盛戊子冬入覲幾不能治裝廉潔尤不可及

帥衆

舊浙江通志江西人知淳安却陋規更綱例草羨餘立社學建義倉善政不一

馬呈鼎

嚴州府志京山人萬歷二十九年由舉人知遂安縣視躬以莊字民以惠均田賦修學宮

增雉堞清積  
蠹善政備舉

李紹賢

舊浙江通志清江人萬歷中知桐廬莅治五載舉善除奸政清訟簡

蔡模

淳安縣志武進人萬歷間知淳安縣凡例金餽遺一切謝絕公明廉威無敢干以私者往歲當

道議置條鞭無何稅課在官猶然供億在民模至悉倚辦公帑若不給裒俸佐之不復為民累海忠

介祠祀建  
議特祀

周幹

壽昌縣志號敬源來安人萬歷間知壽昌釐奸剔弊時屆大造親臨畝澮大積豁除荒蕪翦豪

強禁溺女火耗常例概不之取陞山東青州府判民有沐其德者追而餽之金辭曰何物足以污我

擲之崖  
側而去

陳文煥

萬歷嚴州府志字汝明臨川人任嚴州知府威惠並懋一時奸蠹屏跡而秉禮造士尤倦

倦焉每遇大祭必齋宿其所一切儀品皆親檢理務為整潔遇早則步禱甘澍立至暇則單車四出

以勸  
耕者

魏弘政

建德縣志承天府人以孝廉任建德縣令清白自矢每至朔望與紳士講讀六諭申明鄉

約積穀備荒緩征薄罰夏月煮粥以飼饑冬月市帛以衛寒施棺掩骼囹圄空虛經旬不聞敲扑聲

邑人呼為  
魏老佛

龔天申

萬歷嚴州府志澧州人同知嚴州本府舊有排門夫役任意科派閭閻苦被煩擾天申乃

條上其事遂  
勒為成規

危以平

舊浙江通志蒙化人兩署府事歷署六邑所至政平訟理且為前令補不足在官六載清

勤如  
一日

劉大倫

萬歷嚴州府志太倉人為壽昌令治多實政凡所訊斷即有懲無不愧服而去過諸士以

禮每喜談藝悉遵程朱為指南  
壽邑豪頑憚大倫威明多易轍

黃道年

萬歷嚴州府志字延卿任遂安令舊條鞭外復有加徵如造船則照丁照畝加派為悉罷

之其徵收必總一年之數戶若干為櫃者一為限者四而每限復分為三俾緩辦而易完遇船差自

為料理不費民一緡  
在任三年道不拾遺

封錫類

壽昌縣志雲南人天啟元年知壽昌縣詞訟催科不遺一差下鄉城隍廟災延至大街焚

已袍火隨滅即  
捐俸重建殿宇

阮振中

壽昌縣志字紹一富順人崇禎七年莅壽昌精明剛果遇事表然時有假冒中書來縣作

奸者辨之械送上司置武庫積糧餉壘石作城半  
月而就周環計六里建敵樓四門艮峰塔頂墜捐

整  
俸重

許國士

舊浙江通志祁州人崇禎初知嚴州政尚簡  
靜郡無分擾時苦於解絹逃亡殆半國士竭

力申請易為官織  
官解民困頓甦

曾守意

桐廬縣志四川人由舉人崇禎十三年任桐  
廬英達廉勤縣守回祿設處完構不費民力

調繁  
蘭谿

胡崇德

舊浙江通志廣西全州人知嚴州時發城土  
寇竊發特加城高五尺為繕守計擒賊黨王

麒等十九人民賴以寧歲  
大裨勸募賑濟多所全活

吳洪昌

建德縣志宜興人由進士為建德令建思祐軒以培地脉築西湖堤以興水利舊浙江通

志洪昌勸諭息訟公庭如水

國朝

高凌雲

舊浙江通志江都人順治初授嚴州推官直季省會多所平反名宦畱祀冊在任嚴督屬

縣力行保甲盜賊潛蹤捐修文廟煥然一新

董珙

壽昌縣志字舍章嵩縣人順治七年知壽昌縣先是邑中差徭應值者無倫次珙非正役不僉

兩道船役往往破家珙懇請折免值大造殫精釐剔吏胥不得上下其手壬辰夏旱步禱甘霖立沛歲獲有秋是冬寇聚西界三衢震動珙嚴偵探出奇兵發縱堵剿浙右倚以安輯律已謹嚴教民愷



切歷三年從未罰民一贖錢  
以薦陞湖廣德安府同知

杜桂

舊浙江通志河南盧氏人順治戊戌進士康熙

二年知壽昌縣積年奇荒小民逋賦數千前令  
羈留在邑者三人桂代為補苴三令得以釋歸招  
集流亡許以寬恤緩徵民始來集獄無羈囚案無

留贖重建明倫堂規  
制宏偉以異績奏最

梁浩然

舊浙江通志山東濱州人康熙七年知嚴州  
府以振興文教變化風俗為已任嘗單騎勸

農作十六勸并大書忠忍二字以諭民名宦留祀  
冊浩然重建社學延請優行生員教習孤寒子弟  
捐置義田以為館穀康熙十年蟲旱交侵詳請蠲  
免捐俸買米設廠施粥老幼不能就食者查照戶  
口給米窮民賴全活仍令屬邑奉行又清釐丈冊  
民間田畝久未歸闕

或坍塌暗賠悉

令照號歸收疏濬兩湖培築下沙至今人文蔚起  
科第不絕十三年閩逆煽亂山寇竊發浩然練習  
鄉勇區畫捍防郡無擾害

王師

絡繹供應浩繁措置周詳兵民安輯

項一經

建德縣志字葦菴湖廣漢陽人進士初授金  
華府推官奉裁康熙八年改令建德自萬曆

中定冊後歷年既多版籍紛亂民戶田畝數增額  
外賠累者無從稽考黠胥得以恣行飛洒時值編  
審特行歸號法令民照號收田計畝加額有絲毫  
不符悉行改正由是民得以實田供稅從前溢數  
滌蕩靡遺創建龍山書院修葺學宮課士勸農殷  
殷不怠辛亥荒疫煮粥賑饑施藥療病存活甚衆  
繼有耿逆之亂大兵往來一切軍需悉力經營督  
撫交薦擢吏部考功司主事戊午典浙鄉試再至  
嚴陵士民擁  
觀稱慶焉

陳于廷

舊浙江通志遠東人康熙十三年知嚴州府廉介有守時閩亂未靖

王師

進勦絡繹如織于廷預為措辦而民間安堵絕科派杜饋遺豪貴斂跡後以憂去

周光啟

遂安縣志字晦菴江南太平人康熙十九年由舉人知遂安縣治崇清淨正賦外不取羨

餘杜苞苴抑刁訟流亡皆復生業服食菲薄勿累行戶期年卒官貧無以殮士民贈賻佐其歸

王光鼎

名宦留祀冊錄黃旗人康熙三十五年知嚴州府歲丁丑二麥不登芒種之後連旬不雨

米價騰貴光鼎捐俸倡糶減價平糶由是紳衿富室感發興起廣運接濟民賴以安妖狐作祟居民子女多受其害光鼎親製檄文詣城隍廟告神驅逐妖狐滅跡被祟有死而復生者臘月廣施絮襖於貧民嚴郡灘高水急津渡最險而建邑小里埠與桐邑南關外為尤甚光鼎捐資添設渡船因亢

旱祈雨自暴烈日中冒威暑病篤百姓願減壽祈保及卒老幼奔哭罷市輟耕

溫州府

晉

劉懷之

萬歷溫州府志永嘉郡守太元十五年永嘉人李耽舉兵反懷之討平之

南北朝

裴松之

宋書本傳字世期河東聞喜人博覽墳籍立身簡素年二十拜殿中將軍義熙初為吳興

故鄆令在縣有績入為尚書祠部郎元嘉三年轉中書侍郎使注陳壽三國志鳩集傳記增廣異聞既成奏上出為永嘉太守勤恤百姓吏民便之十四年致仕

毛喜

陳書本傳字伯武滎陽武人少好學善草隸至德元年授信威將軍永嘉內史至郡不受俸

秩政弘清淨民吏便之遇豐州刺史章大寶舉兵反郡與豐州接而素無備禦喜乃修治城隍嚴飭器械又遣所部松陽令周璠領千兵援建安賊平授南安內史禎明元年徵為光祿大夫領左驍騎將軍喜在郡皆有惠政徵入朝道路追送者數百里

唐

李臯

冊府元龜肅宗時為溫州長史攝行州事時歲儉臯擅發倉賑州人而上聞詔書嘉之州人李

鈞及弟鈔棄其親不養凡十餘年時鈞為殿中侍御史鈔為京兆法曹臯奏鈞鈔不孝皆除名

路應

唐書本傳字從衆以蔭為著作郎貞元初出為虔州刺史加檢校屯田郎中累遷宣歙池觀察

使李錡反應發兵救湖常二州以故錡不能拔嘉靖浙江通志應自虔移溫州時樂成橫陽界中久

廢湖防多水患應大為修築

韋庸

明一統志溫州刺史會昌中州西北水為害庸築堤堰鑿湖十里溉田郡人德之稱其湖曰會

昌堤曰韋公

吳曾

萬歷溫州府志永嘉令勤於吏事政平訟理嘗慕謝康樂風致構亭曰懷謝

朱誕

明一統志溫州刺史其弟褒翱皆相繼為守杜荀鶴寄以詩云永嘉為郡昔推名連屬君家弟

與兄教化盡歸龔渤海文章高出謝宣城其當時政績可想見矣

宋

趙尚寬

宋史本傳字濟之河南人叅知政事安仁子也知平陽縣鄰邑有大囚十數破械夜逸殺

居民時犯境尚寬趣尉出捕曰盜謂我不能來方怠惰易取也宜亟往毋使得散漫為害尉既出又

遣檄巡兵躡其後悉獲之嘉祐中  
考課第一積官至司農卿

張盥之

宋史本傳字景山進士及第補樂清尉潤州觀察推官遷集賢校理知溫州擢提點淮南

路刑獄徙廣南東路轉運使擢天章閣待制江北都轉運按察使坐事奪職復待制知湖州以光祿

卿致仕盥之善  
史事所至有聲

焦千之

嘉靖浙江通志字伯強治平二年知樂清縣嚴毅方正涖事精明吏不敢犯修邑庠敦教

化士民  
咸服之

王公濟

嘉靖浙江通志字經國溫陵人宣和間令瑞安方臘犯境鄰郡望風披靡公濟措置有方

守要害選丁壯迎擊之賊避其鋒不能入邑賴以全既歿民立廟祀之

霍蠡

嘉靖浙江通志建炎三年知永嘉縣廉介有才幹事雖蠅紛處之泰然四年高宗車駕臨幸禁

衛省部蠡供億曲盡其道有事即直奏中官咸畏憚之嘗面奏本州沒官田宅多皇族勲戚請佃不輸賦稅請賣以供億少魁民力詔從之車駕所臨供應雖繁而民不困當時皆稱其能

劉夙

葉適二劉君墓誌夙字賓之弟朔字復之福建莆田人夙釋褐調吉州司戶臨安府教授易教

授温州召試館職除著作佐郎後知衢州在州期年政平訟簡郡人畫像祠之徙知温州春夏不雨夙全家淡食請命八十餘日毋游飯以梅乾自乞主管崇道觀而去始朔調温州戶曹緣歲大饑疫



所活數萬人比滿秩災猶未已皆泣曰司戶去吾何所得衣食既而夙來守民望之亦如朔及夙亦去又泣曰天以二劉賜我而不能終也奈何  
莆人往還必問安否其卒也哭之皆失聲

洪擬

宋史本傳字成季一字逸叟鎮江丹陽人登進士甲科宣和中為監察御史遷殿中侍御史時

王黼蔡京更用事擬中立無所附會建炎間為起居郎中書舍人以龍圖閣待制知温州宣撫使益庾總師討閩寇過郡擬趣使赴援庾怒命擬犒師擬借封椿錢用之已乃自劾賊平加秩一等名為禮部尚書遷吏部紹興三年以言者罷為徽猷閣直學士提舉江州太平觀起知温州提舉亳州明道宮卒  
謚文憲

范寅孫

嘉靖浙江通志姑蘇人文正之曾孫紹興十七年為平陽縣丞治政勤能急於民事興修

水利人  
多賴之

韓彥直

延綏鎮志字子溫延安人紹興進士調太社令出為浙東安撫司主管機宜文字後知溫

州海寇出沒大洋勢甚張彥直授將領方畧不旬日生擒之奏功進敷文閣學士久之轉戶部尚書

進龍圖閣學士  
光祿大夫致仕

唐文若

嘉靖浙江通志字立夫眉州人登進士第高宗時出知溫州有政績累遷敷文閣待制

趙彥櫛

宋史本傳字文長悼王七世孫乾道二年進士尉樂清會大旱令循故事禱雨而責租益

急彥櫛曰捐斂已責所以招和氣何禱為已而果雨擢登聞檢院時韓侂胄方柄用出知汀州侂胄

死詔戶部侍郎兼樞密院檢詳轉寶謨閣待制

薛極

嘉靖浙江通志字會之武進人寧宗朝以父蔭補上元主簿中博學宏詞科為大理評事通判

溫州以文學政事見推於時歷  
參知政事除樞密使封和國公

汪季良

嘉靖浙江通志江西廣信人開禧二年知平陽縣治政寬恕立十事諭民其目曰親父子

和兄弟謹夫婦明君臣善朋友視疾早安厝嚴繼絕保本業戒鬪訟凡數千言曲盡人情理法修塘埭斗門以興水利民甚便之

吳泳

宋史本傳字叔永潼川人嘉定二年進士歷官寶章閣學士差知溫州赴官道間聞溫州饑至

處州乞蠲租科降救饑者四萬八千有奇放夏稅一十二萬有奇秋苗二萬八千有奇病者復與之藥事閒賜衣帶鞍馬  
改知泉州以言罷

潘大臨

嘉靖浙江通志字舜舉嘗以兩浙運司主管文字管攝温州獲海寇五十閱其實釋無辜

者半

吳興祖

嘉靖浙江通志紹定元年為平陽主簿留心政事一邑藉之修理學校延諸生講校經難

文義彬彬  
人皆奮發

陳容

嘉靖浙江通志三山人寶祐元年由太學生知平陽縣簡易從容邑人化之時與士論文講藝

數緝大義士習以興至於崇社稷  
闢道路通溝洫議賑糶民事備舉

印應雷

明一統志知溫州初州卒作亂詔以處發兵從應雷討之應雷辭去止攜一僕赴任用計

設宴賊來覘者斬之餘黨悉散每出視事日光如炬左右不敢仰視退則溫然孩稚可親也

元

察罕

元史哈巴爾圖傳哈巴爾圖額齊納氏子察罕領揚州等處遊擊軍與宋軍戰有功至元十二年

分隸托克托總管出廣德遊擊軍與宋兵戰敗之從攻獨松千秋等關及諸山寨其降民悉綏撫之檄為瑞安縣達魯噶齊始至招集逃移民十萬餘戶二十七年陞左翼屯田萬戶府副萬戶

趙鳳儀

明一統志歷台溫二路總管崇儒重道興創廟學延明師以淑後進一時文教翕然士民

向化名其所寓曰親民坊

石興祖

元史石天祿傳興祖襲千戶至元十二年陞宣武將軍管軍總管戍溫州土賊林大年等

搆亂出兵圍之斬首千餘級招輯南溪山寨歸農者三萬餘戶十六年陞顯武將軍佩金虎符

崔履謙

嘉靖浙江通志至元十四年同知溫州府事時劉萬努棄城遁噉元帥海都屠城履謙與

治中家之柄徐似孫力爭獲免游軍掠民間子女履謙奮不顧身力脫之

呂師召

嘉靖浙江通志至元二十八年宣武將軍同知溫州府事時郡有樂清余氏一門妻子被

僧祖傑以舟載沈於海總管任私庇覆師召特明其事寘祖傑於法

王安貞

萬曆溫州府志大德七年為永嘉縣尹涖政明察善折獄吏卒不得擾民興學校建忠烈

廟修陳孝子表仰孝廉墓其戒民十事尤為肫切

拜特穆爾

萬曆溫州府志蒙古人大德十一年以少中大夫監郡歲旱禱雨隨應浙東饑流民

四集捐貲倡賑全活甚衆

賈達

嘉靖浙江通志字顯道保定人泰定二年知平陽州事廉幹勤敏黻奸除蠹民稱神明分憲嘉

其才委識疑獄悉得其情一日以公事赴浙省道經金華適沿海翼石抹萬戶縱兵暴橫達偶坐驛內金華民曰公平陽賈知州耶郡有沿海軍橫公能治否達曰能即乘馬徑造石抹門曰萬戶在否石抹出迎達曰常慕萬戶先御史大夫從太祖起龍荒為開創元勲光照史冊足下不思振先御史之烈而縱兵肆暴若是能長保富貴乎語未既石抹即下拜謝罪留飲盡撤而去軍自是肅然知懼民賴以安

霍時雨

嘉靖浙江通志字惟肅睢州人至正九年任温州錄事時的斤海牙為監郡屬吏皆有饋

時雨獨弗與朝命郡造戰船時雨赴省告丞相嘉其言遂罷治政寬厚視民如子不施刑法而民自

服有盜嘗以小舟竊人釜以鬻諸市失者偶至其家見之持釜以訴時雨追盜至盜曰某兩手皆無指豈能竊釜耶時雨伴是其言因撻失者妄訴以釜還盜盜驚喜即以首戴釜而去遂收之代去士庶涕泣握別留衣帽為識

### 尊達納寶哩

萬歷溫州府志高昌人至正十年為溫州路總管方國珍寇城官民逃散獨與

千戶吳世顯哈迪爾等擊却之賊退急治城郭繕甲兵為守禦計比賊再至不敢近城陞浙東閩使

### 陳志學

楊維楨陳志學墓碣字俊卿崑山人至正十五年授宣武將軍同知韶州路總管府事明

年薦授朝請大夫溫州路總管郡方以民力捍城饑死者枕藉城下志學下令發廩及私帑計丁催役民趨者如市城塹不日成舊督秋稅以家量收病民甚志學亟易之閱三月政平頌作



杜和

嘉靖浙江通志字彥謙歷山人至正庚寅知瑞安州事明敏介潔為政不尚虛名懲吏禦寇民

瘼均賦役崇學校井井有條方國珍入寇和躬率民格戰賊遂退及既代民有以海物饋者和閱其奩有楮幣存焉勃然怒曰汝何污我耶以所曳杖擊之其人慙而去

萬邦寧

嘉靖浙江通志字細英寶坻人由蔭知樂清縣至正丙申赴任道經本郡入謁郡守適監

邑雅克特穆爾討方氏不克舉邑騷動邦寧聞之疾馳赴邑或勸其且緩邦寧愀然曰吾奉朝命出宰百里為民故也敢緩使無辜之民肝膽塗地乎既至以理開諭渠魁懾伏

特穆爾

即義林續編特穆爾蒙古人温州府達魯噶齊聞寇至與縣尉王楚山禦之血戰而死

繳寶珠

萬歷溫州府志字廷珪輝和爾人知瑞安州鈎剔強梗撫安羸弱均賦平獄州無壅政遷

兵部郎尋復為監郡兼分閩溫州勞來安輯備盡其道前御史喜山起兵約寶珠夾攻方國珍喜山敗寶珠憂憤嘔血國珍造伊實喇實為帥奪其柄寶柱與民別出西門被執劫以兵不屈釋之後歷諸省憲使聞使所至有聲

明

表英

萬歷溫州府志湖廣漳州人洪武元年任樂清丞時始建縣治英受篆至縣悉革元弊政宣布

威德政事一新山民馮名梗化嘯聚英捕斬之盡收其黨興學校課農桑百廢畢舉秩滿陞浙江行省都事

吳廣

嘉靖浙江通志洪武初為溫州衛指揮僉事時南溪人嘯聚為寇廣討平之誅其首三人餘悉

遠還鄉里廣嘗受學於余  
闕故其在衛尤尚儒術

王泰

萬歷溫州府志字逢吉萊州人洪武二年知瑞安有才幹除民風蠹政刑明簡改文廟葺壇墼

宣布德意撫輯  
遐邇闔邑安之

魏本

舊浙江通志慶陽人洪武四年知瑞安明敏決斷通曉吏事役均訟簡民咸孚信嘗白事至郡

釁宥於舟以杜私謁誠  
意伯劉基深器重之

白文秀

樂清縣志太原人洪武四年為樂清縣丞勤政事杜私謁賦役維均案無留牘擢於潛令

鄔珏

萬歷溫州府志江西臨川人洪武四年知樂清廉明有為修學校立題名以風士類善詩賦皆

切物理以禮導  
民俗為丕變

馬俊

平陽縣志高郵人洪武甲寅以千戶戍平陽辛酉處州盜葉丁香等殺巡檢掠居民俊率軍纜

三百餘人往格捕至運口遇賊兵少戰不利乃單騎縱橫馳射賊見其勇決萬衆披靡遂生擒其渠魁數人會延安侯唐勝宗大軍繼至以俊為導擒賊巢悉擒戮之

王全

溫州府志山東人洪武九年由給事中任溫州府同知處州賊葉丁香擾瑞安境民多脅從朝

命延安侯統兵勦捕抵溫問瑞安去此幾里或言二十里侯以賊遁將縱兵全告曰實四百里侯曰如此則渡飛雲可矣既渡全又曰此去賊尚三百里侯怒疑受囑欲斬全全曰二邑良民皆挈妻子來此肯從叛乎侯意頗解入賊境方縱殺民感其恩呼為再生父母

梁瑀

萬曆溫州府志字與玉鳳陽人洪武十一年知永嘉邑承元弊政民田多匿賦軍需且殷饋餉

不給時自浙西海運以足之民不勝其病既而有  
令覈民田瑀乃履畝占數編號盡圖以正經界由  
是歲額有加軍供  
亦裕而海運乃罷

袁滿仔

萬歷温州府志贛縣人洪武十七年知瑞安  
縣性廉介寡言笑勤於政事門無私謁士民

之戴

柴顧

隆慶平陽縣志曲沃人洪武十一年知平陽縣  
廉明愷悌杜苞苴矢冰蘖嘗自題於壁云一貧

未必饑寒死百病多從  
飽煖生其志操可見矣

杜瑛

溫州府志字漢傑山東人洪武十九年任府同  
知不施刑法吏民望而畏之按行屬邑設施布

置民不勞而事集以  
績最擢廣西叅政

張礎

平陽縣志山西襄陵人由監生洪武二十一年知平陽縣廉明有為時金卿衛私造軍器擅行

科擾礎執法具奏奉勅遣使勞以酒鈔秩滿擢刑部郎中

李瑛

萬曆溫州府志字廷珪廣東化州人洪武二十七年知永嘉洞燭史民情偽訟清役均雖當繁

劇一如御簡暇則琴書自適歲歛富人閉糴下令勸贊有方民皆樂從郡守趙彥文善其法布之各縣闔境賴之後坐累被收邑民赴闕直其冤復任秩滿遷去

張志能

溫州府志萊陽人洪武二十七年以人才薦除永嘉典史催科有法民無逋負過於嫉惡

為兵徒所中逮繫老人羣赴闕訟冤告者抵罪得復任

王希禮

平陽縣志江西吉安人洪武二十八年知平陽縣公恕為治庶事紛雜處之裕如催科督

責用軟皮馬鞭常曰刑者輔治之法不得已而為之民咸化服

林英

名山藏字章叔古田人洪武二十九年由貢生選監察御史劾奏李景隆誤國謫知瑞安縣時

民多逋亡在邑者苦稅差英立法丈量所餘虛糧令墾荒補之立鄉約行文公家禮建立齋舍與諸生講學靖難師起還英舊職命與翰林修撰王叔英募兵廣德比至勢不可為歎曰臣生無補於時死有負於國再拜自經時年三十有四妻宋氏亦自經死

沈忠

溫州府志徐州人洪武二十九年襲父蔭授溫州衛左所副千戶永樂十一年倭犯金鄉衛沙

圍眉石舉忠奮勇與敵以兵少遇害

朱約

萬歷溫州府志邳州人洪武三十年由監生任樂清典史清案墮除弊政吏民悅服越五年遂

陞知本縣政治日新  
庶務畢舉以母憂去

張具瞻

萬歷溫州府志洪武間知樂清英毅有為草  
元末諸弊政建明倫堂薦賢造士修廢舉墜

孜孜如不及明初樂邑  
紀綱蓋自具瞻始也

戴順

平陽縣志金鄉衛指揮僉事洪武末倭寇登劫  
炎亭順聞曰事急矣害且及民吾當以身先之

遂馳往時賊已殺備守官兵得其衣械即詐為我  
軍列海口順至不知其賊也操兩刀趨而前問賊  
何在賊不應乃覺即揮刀連斬數賊賊走顧  
無後兵共圍順竟遇害事聞命優給其家

呂詵

溫州府志北平人建文間瑞安主簿敝衣糲食  
冰蘖自持嘗書解壁曰持身以滅明為法則無

苟賤之行取人  
以子游為法  
則無邪媚之惑  
時論韙之



黃信中

王鴻緒黃信中傳餘干人知樂清縣奸人給寡婦至京誣告鄉人謀叛而已逸去有司繫

其婦以聞詔行所司會鞠信中廉得其情力詆為誣獲全甚衆盜殺一家三人獄久不決信中禱於

神得真盜遠近稱之後知錢塘縣當遷去部民相率詐於上官乞再任上官以聞擢杭州知府

林泰

樂清縣志廣州人永樂二年由舉人知樂清縣以庶律已以寬恤民民德之尋董工京師卒

翁煥文

萬厯溫州府志華亭人永樂三年任平陽縣主簿公正而明敏吏不敢欺民安其治

鄭信

樂清縣志長山人永樂八年由人材為樂清縣丞明法果斷威愛兼行民信服焉

楊文

溫州府志蒲政所正千戶永樂八年十月倭攻城率兵力戰所乘馬中鎗死文遂步戰以力寡

不支為賊所殺

崔興

溫州府志蒲岐所千戶永樂八年與百戶馮春領戰艦防倭十月五日舟次下保海遇倭船大

至興與春率兵鏖戰自寅

至申矢炮俱盡遂遇害

莫然

萬歷溫州府志濮州人永樂十四年由監生知瑞安甫下車首察囹圄寃滯者悉出之後平訟

簡民樂趨事庶務以次舉居八月卒邑人莫不流涕

尹宏

溫州府志字克寬山東歷城人宣德二年任溫州府同知先是軍衛縱橫民罹其虐宏一以禮

法制之期月帖然亢旱竭誠致禱隨應歲轉大熟以艱去

何文淵

湯斌何文淵傳字巨川廣昌人永樂進士授監察御史宣德五年出知溫州府三年政化

大行一郡稱治七年冬入覲道括蒼嶺永嘉丞遣其子以金贖却之後人為立却金館既復任益盡

心職業暇則與諸生周旋章綸輩講論經史後皆以文行名處州盜起官軍討之不克文淵訶知賊據烏風洞悉捕其渠魁時都指揮李貴等執平民使誣服文淵移牒言賊已獲所捕皆平民也於是二百餘人皆得釋民有兄弟爭財諭以天倫大義兄弟感悔如初超擢刑部右侍郎景泰元年進尚書加太子太保

羅銘

溫州府志磐石衛百戶永樂九年防倭領青門水寨十一年正月巡哨至分水山海遇倭船二

十七隻銘奮勇與戰以寡不敵遇害

劉謙

獻徵錄字自牧其先由北平徙居祥符永樂年進士宣德改元授醴泉知縣擢山西道御史

時浙東平陽銀冶為人竊發互相讐殺謙被薦至則撫窮民禁奸宄患遂息其地與金鄉磐石等三

衛鄰居民素被陵轢莫敢誰何謙以法繩之不少  
貸境內肅然又壞接閩栝健訟成風謙聽斷明允  
風亦漸萃乙卯冬溫州守何文淵入為少司寇特  
薦謙為溫州守代已謙抵溫州語人曰守與令雖  
官階小大不同皆職民牧赫赫為威民不近也察  
察為明民罔容也平易近民守令之道也人以為  
名言丁巳夏旱甚謙率僚屬齋沐禱於龍湫免冠  
跣行五步一拜俄大雨如注歲大熟癸亥霖雨壞  
稼謙祈晴復應有鹽運使秩滿去舟過括灘夜被  
盜劫誣逮平民若干人謙禱於城隍神頃之罪人  
得斯

章惠

舊浙江通志全椒人宣德中知平陽崇禎清簡  
囹圄幾空初工部坐追永樂間爛弓箭弦惠奏

請寬恤得俞旨因  
推恩蠲及天下

齊柯

獻徵錄字文則乙卯舉於鄉初授湖州學博陞  
溫州瑞安令甫下車輿利刷弊諸不便於民者

一概裁以已意邑故無公費而有沙稅歲入不下  
千金悉罷之邑中田賦輕重難平或田廣縮稅狹  
反溢稅者歲屬丞尉徵收民益苦之柯建丈量之  
議請監司郡守親為履畝握算登籍以記無有漏  
而以田額之羨餘實田額之不足父老有持杯酒  
獻者笑而遣之自是創為畫一官無擾民民無逋  
賦又奉檄入平陽一如勘瑞安故事未幾新例下  
大丈天下名田二邑獨從容按故籍對居五年以  
卓異召入都擢大  
理評事出守臨安

甄旺

平陽縣志平陽所副千戶正統己巳山寇發從  
總督李倚率軍三百往捕之遇賊於草菴橋旺

奮擊賊披靡以兵少被圍身被十餘創而  
死事聞陞其子瑛世襲溫州衛指揮僉事

王宇

溫州府志 溫州衛指揮同知正統末闖賊鄧茂七起麗水賊陳諫等應之聚黨圍處州轉掠平

陽官軍禦之輒敗宇馳援屯軍橋自跨白馬先進連發三矢斃賊首白鷓等三人賊驚遁縣獲全尋

大破賊於處州  
陞浙江都指揮

劉永

溫州府志 平陽所百戶景泰元年山寇亂永與子瑞奮力擊退追至前洋斬賊首梅仲悅等數

千級深入賊巢撫歸難民  
事平陞本所副千戶世襲

卓越

永嘉縣志 福寧人景泰間由進士知永嘉縣自奉菲薄事上官不阿裁里甲冗費提舉市舶中

貴苛索越以義  
折之民賴以安

王允

溫州府志 字執中山東歷城人景泰三年知溫州以恤艱弱去蠹弊為首務山賊出沒羅洋親

入巢穴計擒之故官裔高士避孫女鬻為婢代贖  
之為擇配稅糧積欠累萬根究弊由糧長不月餘  
數足俗好競渡每致溺  
嚴禁之歸其舟為官渡

洪珍

平陽縣志平陽所正千戶有勇畧善騎射景泰  
三年與賊戰孝洋而死無嗣詔以其弟瑛世襲

溫州衛指  
揮同知

周正

萬厯溫州府志南昌人由進士天順間知樂清  
加意民隱修築青嶼江山蒲嶼永寧四塘邑人

有去  
思碑

周彥

獻徵錄莆田人初授戶部主事天順改元知溫  
州府正已率下申嚴禮制暇日課士而辟吏用

所長訟獄小大刻期與決多不越三日五日郡地  
邊海埭江沙漲在處不清而稅不視彥按量得

實為更正之他如學址與梁之類無不完繕郡以大治巡按御史上疏旌異政丁父憂服除改知饒州

劉遜

萬歷溫州府志字時讓江西安福人成化庚子由進士知永嘉遠鄉民祝逋負躬歷面諭之遜

輸納恐後究剖積獄邑無寃民以白鹿洞規頌學訓士建置諸祠廟以彰前烈又鑄古今賢令名氏

於縣治俾後人知勸擢監察御史去士民肖像立祠

黎存信

溫州府志永嘉丞甌俗競奉淫祠乃立條禁毀諸祠不應祀者俗為之戢

陸潤

萬歷溫州府志字昌澤常熟人成化丙戌進士弘治丙辰由太僕丞擢守溫州廣勵風教剔奸

摘伏一境肅然館頭飛雲各置渡八所築蓮花埭人利賴焉捐俸濟饑施藥療疫所全活萬計滿九



載致仕郡人  
為繪像立祠

蕭鼎

萬歷溫州府志海陽人成化間知溫州府一介不取凡便民事即舉行會歲旱徒步以禱深自

咎責遂大雨以疾去

文林

徵獻錄字宗儒衡山人長洲籍成化壬辰進士授永嘉知縣擢太僕寺丞陞溫州知府平市價

程徃賦使貪漁斷割羣息咸植元旦有人被殺死者其家赴愬乃禱於神夢鷹三雛被風翻粟墮地心計郡有潘英者殺之執訊遂服衆稱神明未幾卒篋中無一溫物

劉清

萬歷溫州府志字本澄河南陳州人由舉人成化九年知平陽有治才簡詞訟均徃役邑介千

戶所軍校橫暴清痛抑之豪奸斂跡

邱山

瑞安縣志蒲田人成化十三年知瑞安縣律身廉謹寬嚴相濟民愛而畏之擢御史

王嶽

萬曆溫州府志字希甫靈壁人由進士成化十九年知平陽以明人倫正風俗為首務建義倉

廣儲蓄六年之間奸豪屏息以治行徵

王約

溫州府志字資博江西臨川人由進士弘治二年知平陽愛民禮士首拓學基葺治之建先哲史伯璿祠築塘橋徙壇墻百度修舉以俗多溺女大葬履為之禁有諭俗篇擢御史去士民祠於北

津亭

徐鉞

溫州府志字用寧興國州人弘治三年由進士知瑞安縣抑強禦革奸弊改建明倫堂遷刑部

主事

林廷獻

溫州府志廣東吳川人弘治十年由進士知  
永嘉公廡有才幹展拓學宮擢蘇州府同知

楊楷

萬厯溫州府志字元範崑山人弘治十年知平  
陽縣嚴重廉介請託不行重建文廟兩廡及號

舍凡有疑獄必反覆推  
詳務得其實矜釋甚多

宋臣

樂清縣志字以忠直隸人弘治十七年由進士  
知樂清縣折獄如流不畏強禦尤崇學校日與

諸生講論道藝諄諄不倦毋喪  
去行李蕭然士民攀望垂涕

范勉

萬厯溫州府志字彥勤東莞人弘治間由舉人  
知泰順志行廉謹教養士民人咸仰其德化設

縣未久諸所修葺  
規制煥然一新

管璋

萬厯溫州府志江西吉安人弘治間由舉人知  
樂清布衣蔬食沖約如寒士廳事上榜公生明

三字自省而力行  
之民號為管青天

虞靖

萬厯溫州府志金壇人弘治間平陽縣丞持身  
廉潔愛民如子既去耆老立碑於惠民藥局扁

曰愛民  
父母

葉旭

溫州府志字文明上饒人弘治間知秦順  
縣廉慎仁慈政平訟理民咸頌其寬厚

劉桐

萬厯溫州府志字鳳儀江西永新人正德間由  
舉人知秦順持法嚴平聽斷明允悉民隱省繁

曹尤加意士類嚴斥羣小勾  
撮無一吏下鄉民賴以安

郁山

獻徵錄字子靜華亭人正德辛巳進士宰龍泉  
泉故山縣習不嗜學山至首選教其子弟咸感

奮斌斌嚮風民或匿負公稅累糧甲賂賊山籍其  
名民懼爭納嘉靖十年知溫州府張少師字敬於

郡城建寶綸樓因大治第宅小民供役日以千數  
富者率編使督工勞苦倦極山委曲斟酌歸於節  
省民稍稍安張又求廣基地強市買不已山止之  
曰公今匝垣里餘而意猶未足殆非所以善後且  
公居朝嘗喜稱伊傳周召之為相獨奈何所以處  
家者顧出蕭何李沆下耶張怒作色山不顧而出  
地亦迄不再廣部使以才賢薦以疾卒  
五邑士民悲號比觀發奔送者塞道

秦鎰

萬歷溫州府志字國重無錫人正德九年知瑞  
安首覈吏胥奸欺及吏卒狡猾者悉屏之公庭

一清編役詳審治獄緩求其情尤作興學校居八  
載官無長物惟積儲倉穀萬餘石後值歲饑出賑  
民賴之遷撫  
州府通判

葛覃

萬歷溫州府志字宇廷之磁州人正德乙亥以進  
士知樂清庶公有威明敏果斷省費輕徭案無

滯贖政令所及雖深山窮谷罔不畏  
懷在官五載四境寧一以治行徵

林有年

舊浙江通志字永清莆田人正德間以御史  
謫知樂清毀淫祠以建社學創六門以禦寇

盜禁作俳事以正  
民俗時稱得治體

彭占祺

萬歷溫州府志字朝吉山東費縣人正德十  
二年由進士知永嘉性廉潔事從省約自具

饗飧如寒士  
時號彭青天

馬性魯

萬歷溫州府志溧陽人正德十二年以給事  
中謫平陽丞作人講學士風丕振轉長史去

周敘

溫州府志字子厚湖廣九溪衛人由進士初任  
大理評事諫武宗南巡廷杖謫永嘉丞為人亢

直端厚署平陽多善政民  
有餘懷後官工部尚書

潘潢

萬歷溫州府志字薦叔婺源人嘉靖元年由進士知樂清動必以禮雖甚怒未嘗疾言厲色為

治務漸民於孝悌禮義著訓旌善亭抄揭以示衆日與諸生以經術相劇毀東嶽廟以祀王梅溪秩

滿陞主事官  
至戶部尚書

方升

萬歷溫州府志字世猷婺源人嘉靖二年由進士知永嘉以禮整俗吏胥有犯不少貸治盜甚

巖民賴寧輯雅持清操以直道  
事上官亦皆亮焉終湖廣叅議

童久仁

萬歷溫州府志涇縣人任樂清主簿以憂去囊空無資潘令潢一夕坐堂上語縣民曰童

君廉吏也今若此奈何  
語未畢民輸鏹相屬

劉錄

獻徵錄字景賢更字世德番陽人嘉靖癸未進士出知靖榆以賢調浙之平陽時有礦賊殺吏

僭號勢甚張詔捕之重兵駐溫師老財費錄請釋兵獨任其事近賊土民有葉光者家蓄死士力能制賊錄抵其家諭之光感泣用命乃導民兵擊賊城中有惡少數輩投賊錄計敗其謀賊遂殲焉時上官有力者欲攘光功文致光罪死錄曰事由錄作請釋光願歸公功第一又海寇十七艘將登岸錄親禦之挽弓命中殪一人又一矢貫篙工手賊駭愕揚帆去而錄初未嘗習射也擢刑部主事

魏一恭

溫州府志字道莊莆田人嘉靖己丑進士為溫州府推官布袍菜羹於聲勢毫不介意論

獄精敏吏民畏服以竹權貴遷郡丞去嘗鬻坊間一二小漆器以銀花二枝畀之庶介絕俗如此官

至按察使

曹誥

萬厯溫州府志字廷寵湖廣黃岡人嘉靖六年知瑞安初至適山寇犯平陽境藩臬會師征勦



皆駐瑞安詰調度有方事集而民不擾值歲鯨審  
貧困者刻期賑之惠及遐僻為邑六年草奸胥懾

豪右疏通水利績成擢主  
事歷寧波守四川憲副

馮彬

平陽縣志海康人進士嘉靖八年知平陽廉能  
有斷獄無冤情禁民溺女火葬及作佛事民莫

敢違者覈欺隱之田鋤治豪猾砌宋步  
塘以興萬全水利未久以憂去民思之

何洛

溫州府志廣昌人前守文淵曾孫以祖喬新膺  
嘉靖八年判溫州廉潔勵節恂恂如儒生而執

法凜然不阿人謂其克繩祖武  
修文淵祠去任郡人繪像祠側

趙錦

溫州府志字文卿直隸良鄉人嘉靖九年以武  
選郎中知溫州時前守政體勢亂羣小滋橫錦

持以嚴豪猾翫法繩之無少貸性廉靜寡言笑  
自奉簡薄折節下士廣勵風教任至兵部尚書

區益

獻徵錄字叔謙高明人嘉靖庚子舉人授秦順知縣是時島夷躡閩浙南下車而賊五千突至

秦順在萬山中不虞無備人人惴恐益納城外居民而焚其蓋藏毋令資寇率士卒乘城繕樓櫓雉堞布渠荅蘭石日夜擊刁斗自衛募壯士數百乘間襲擊賊乃遁上功遷慶遠府同知補溫州士民喜曰是向挫島夷秦順公也以忤當路歸益四任郡邑皆有惠政民輒祠之

夏光

舊浙江通志溫州衛指揮僉事驍勇善騎射為金盃備倭把總嘉靖中倭犯平陽掠婦女無數

光追射殲渠魁十餘人返其婦女賊又逼瑞安城幾不守光馳至絕城而入以藥傅箭鏃射賊賊中箭者拔其鏃鯁曰此夏光箭也所至聞風而解賊大擾嘉興檄光合擊王江涇戰沒事聞詔建祠致祭先是世宗聞光英勇圖其像去人以為讖云

朱祀

萬歷溫州府志字克承江西安福人嘉靖十一年知瑞安自奉如儒素堅正不撓時有權勢干

囑者毅然却之初至即募邑人卓侍郎忠義首建祠於峴山上為文祭之以方直取忤改教去

胡諧

溫州府志安邑人嘉靖十五年同知溫州郡久缺守值張孚敬建相府聲勢方張諧署郡事措

應自如常束行李一肩置座右曰可則留不可則去以私于者一無所徇自奉極嗇褐衣蔬食不啻

寒素任終  
陝西叅議

秦鰲

萬歷溫州府志崑山人嘉靖間由給事中謫知樂清縣政尚和平崇學校重節義士民翕然稱

之

張恕

萬歷溫州府志上元人嘉靖十七年由舉人知平陽縣平易近民修築塘埭稽核宿逋處置有

方民爭  
輸納

賈韶

萬歷溫州府志字徵音直隸昌黎人嘉靖二十一年由選貢任瑞安主簿嚴於詰盜夜戶不扃

委署泰順篆恤下情省供應邑大饑即發廩賑之始上聞當道責之對曰民命懸於朝夕緩則何及秦民伐石紀其事後督輸王木卒於官

王士翹

萬歷溫州府志字民瞻江西安福人嘉靖戊戌進士知溧陽有惠政補令瑞安杜請託革

蠹弊吏胥不得舞文歲饑發粟賑貸興學褒節以振風教議改學宮以財詘止留俸錢贖錢七百兩以備工料擢御史歷中丞每嗣令者出必懇懇以瑞民為囑

黃釗

獻徵錄字珍夫長溪人由舉人同知溫州時倭難起溫最要害地釗日夜繕城郭清戎伍修戰

繼倭大舉犯溫人或謂釗嬰城堅守毋輕嘗大敵釗不可曰四郭外非吾民也即速逆之時溫軍分而三釗所將獨中軍其二軍帥皆紘袴子一軍疊石一軍鐵場賊陰分其衆為二一從上流掩壘石一從下流掩鐵場帥皆棄軍走釗腹背受敵遂大潰力戰久之麾下有挽釗以逃者釗劍斷其指曰去之此吾殉節地也賊得釗脅之降釗罵不絕口賊怒裸而寸斬之事聞贈浙江布政司右叅議

劉茂

朱廷鑰

傅德

胡珊

崔海

溫州府志茂磐石衛指揮

鑰溫州衛指揮德後所百戶珊溫州衛千戶海千戶嘉靖中皆禦倭陣亡時百戶姚憲李爵千戶周宥鎮撫劉或俱死倭難

秦煌

溫州府志蒲岐所千戶嘉靖中禦倭於黃華海倭寇大至官軍望風引退煌與應襲千戶魏履

譙孤舟力戰逆發弩射賊賊少却已而合數十艘圍煌煌等力竭矢盡被執俱罵賊而死

楊鎰

溫州府志字啓之劍川人嘉靖辛亥由進士知樂清縣剛介廉明持法不擾人服其公

周琬

萬曆溫州府志字潤夫湖廣麻城人嘉靖十二年由進士知永嘉有俊才繁劇立斷好賢禮士

勤恤民隱天旱徒步露禱大雨隨注咸以為精誠所感擢給事中官至副都御史

李丕顯

溫州府志字憲文福建長樂人嘉靖十四年由進士知永嘉愛民養士理煩治劇政績有

聲擢  
御史

朱潤

萬曆溫州府志字伯雨山東益都人以給事中謫丞樂清嘉靖二十年遷永嘉令材畧宏敏政

尚寬平未嘗以廉介示人而實一介不取去後人益信之遷寧波府同知

賀賁

樂清縣志字懋文靈實人嘉靖間由進士知樂清縣寬厚有才識聽訟催科不煩而理盡別史

胥積弊

擢御史

江九山

溫州府志溫州衛指揮嘉靖二十三年倭犯樂清大笑蓉九山與磐石衛指揮戴祀往禦

之死

高鏞

平陽縣志成都人嘉靖二十四年由進士知平陽縣治政有方吏胥斂手徵稅糧立三限法清

軍免其餼解民  
便之擢御史

周如山

秦順縣志常寧人嘉靖間由舉人知秦順縣好賢禮士節里費周貧生勸民強為善

齊譽

萬曆溫州府志字文實江西南昌人嘉靖二十九年以兵科都給事中謫知永嘉究悉民瘼務

省約以紓其用編派里遞班次刊立木牌  
民稱便律已廉正遇士有禮陞按察副使

鍾沔

萬歷溫州府志字尚清江西泰和人由鄱陽教諭擢知瑞安持心廉平馭吏明肅專務以禮讓

化俗踰期月民淳訟息庭清如水公暇  
輒至學宮與諸生講論經籍政教大行

蔡蒙

分省人物考字時中吳縣人由貢生授溫州府同知會泰順山中閩枯流寇聚劫邑里騷動朝

命中使來督官兵勤禦之賊聞兵至焚野撤橋壘  
石塞要路候吏馳報蒙蒙夜帥壯健五百餘人往  
撤石通道伐木為輿梁官兵旦至乃渡會大雨雪  
不可進蒙請曰彼皆平民烏合覲僥倖之利非有  
固心無若遣一職諭以禍福中使難其人蒙毅然  
請行即深入賊窟反覆諭之賊感悟立解散復取  
民之強勇者立為銀賦長領坑夫採鑿取富殷者  
即坑側為廬居之俾禦寇各給糧餉事集而民寧



樂清田數千頃為山潦衝蓄壞為沮洳場而公稅如故破產者甚多蒙往相地命因其勢浚渠築塍時蓄泄慎防護田逆還為膏腴浙西饑命大臣往綏撫兼覈屬吏臧否蒙預規畫積粟五萬餘石備賑貸及至果徵粟於有司舉而發之如探囊然因大獎異注蒙績為通省最

李思杜

舊浙江通志武邑人嘉靖中知永嘉治尚嚴峻捐介有聲改調去行李蕭然

蔡芝

萬曆溫州府志字弁伯廣西桂林人嘉靖二十八年由舉人知泰順政平訟簡民孚信之黌舍

北經度改遷不費官帑尋陞湖州府判去

張仲孝

萬曆溫州府志東莞人由舉人嘉靖庚戌知平陽恤窮民鋤豪猾政惠而肅學宮為颺

風所壞久不能葺力為改創規制煥然

楊岳

溫州府志貴州籍江西清江人嘉靖三十六年判溫州倭猝犯內地薄郡城守以下各分地守

岳守東門忽覘倭趨南門即擐甲躬督戰時堅壁逸鄉民千百號城下岳設法縋入給薪米相持七

晝夜隨機應變倭

始退郡以無虞

王宗茂

平陽縣志京山人進士任御史因劾嚴嵩謫平陽丞愛民禮士以驛傳害民申白當道又

查出欺隱之田甚多方務釐正以憂去民思之

劉畿

舊浙江通志長洲人嘉靖中知瑞安內召補諫垣以倭寇屢至留防海餘銀資加城之費後巡

既撫浙凡已所修建者皆重新之

李上

平陽縣志金鄉衛指揮同知守蒲門時礦徒作亂賊數百自寧德出先以僧詐為募緣者入城

為詞賊至上連射却之顧見僧在城上招賊即手斬僧擲示其首賊乃退後倭寇犯嘉興軍門徽取上以守七屯八屯之地所至重其庶勇久之以戰死

祁嵩

劉敏

平陽縣志嵩溫州衛指揮敏平陽所百戶嘉靖乙卯倭寇自大壘登岸渡白沙

浦突至北港嵩敏與戰兵敗俱死

趙郡

隆慶平陽縣志南豐人嘉靖四十四年知平陽縣賦役繁重治以寬平招撫流移安集復業改

調去士民繪像立碑於北津亭

吳敦本

萬曆溫州府志江西浮梁人嘉靖四十五年由舉人知泰順拳拳撫字省費杜奸相築洪

口城以阨要害每春單騎勸農其清丈田畝即任勞怨不避也陞永寧州知州

吳國器

萬歷溫州府志字君重崇義人嘉靖間由舉人任泰順教諭嘗捐貲佐遷學又聘同僚歸

櫬士貧不自給者傾囊周之陞修武令去

黃國卿

溫州府志字君任廣東揭陽人嘉靖間溫州推官廉直不阿論獄精覈而用法仁恕全活

多者

鄧鏐

萬歷溫州府志字時美常熟人嘉靖間任泰順典史時有賊首周六等聚衆行劫閩浙騷攘鏐督兵勦捕邑賴保全時議築城池力任其事不避謗怨督造黃冊清查夙弊撫拾新田以補缺額邑

人立碑以紀其事

張國謙

萬歷溫州府志字爾光晉江人隆慶四年以進士知溫州府明達嚴敏加意民瘼杜請謁

剔奸蠹盜竊屏息  
境內肅然卒於官

程應元

溫州府志婺源人隆慶五年由舉人任溫州推官簡靜有威不為皦皦之行民自懾服署

永嘉廉潔自矢  
遷臨江府同知

郭顯宗

萬曆溫州府志四川彭水人由監生知秦順開闢縣治疏通衢市經始廣舍神祠定田賦

立均徭勸課農桑督  
教生徒民心悅服

周珉

溫州府志崇仁人平陽訓雅志修謹篤信象山文山二先生講義鏤版以訓諸生貧者分俸濟

之遭橫逆者力為申救禔躬  
操行初終一致遷漳平諭

胡用賓

萬曆溫州府志婺源人由進士知樂清縣至誠愛民為治務以德化五載不攜家屬敝衣

蔬食解舍蕭然內召行民遮道  
攀留不忍舍仕終太僕寺卿

王之屏

萬歷溫州府志字汝憲潁州人隆慶元年由  
進士知永嘉嚴明正大人不敢干以私吏胥

有犯輒寘之法愛民禮士以廉介自勵  
秩滿凡錢金盡蠲之累官福建布政使

熊驛丞

萬歷溫州府志逸其名嘗大量樂清田土苦  
於沒匿丞作魚鱗冊丘段瞭然錄兩之奸無

容所

楊邦憲

溫州府志湖廣巴陵人萬歷二年以御史知  
溫州府丰儀偉整不怒而威御事持大體甲

戊水溫築江埭以捍後患乙亥饑編饑民於籍發  
粟徧賑仍置義倉儲穀預備巽山故有塔後廢邦  
憲捐資創建覈丁田給田帖夔悉剔入計疏  
乞終養士民赴銓部額留得復任再期以憂去

楊暈

萬厯溫州府志江西清江人萬厯二年任永嘉教諭澹泊自持分俸以給貧生部院交獎學者

稱為楊夫子尤邃名理之學所著有五經讀法詩律舉隅周禮訂註等集

何鈞

溫州府志字子宣常熟人由舉人萬厯二年知平陽縣重構明倫堂勅二賢祠於堂左祀林景熙史伯瞻官田輸米有重至五六斗者鈞均為四則增改折以補府庫民便之築鳳浦埭蓄三十六源之水灌田四十萬畝陞錦衣衛經歷

劉三宅

溫州府志字可任山東壽光人萬厯三年由進士知永嘉倣儻有識幹遇事立斷邑多積

逋督徵有方而賦以集擢給事中

黃仁榮

樂清縣志南昌人萬厯四年由舉人知樂清明敏剛正鋤豪植弱杜請謁剔奸宄庶務畢

集擢  
御史

劉正亨

溫州府志江西新淦人萬曆六年任溫州同知多才畧事至猝辦尤善規畫署郡即修府

庠建文丞相祠  
遷楚府長史

衛承芳

溫州府志字君大四川達州人萬曆十年知溫州遇事能斷丙戌全浙荒獨甌稍稔奸民

運糶射利米價驟騰亟頒厲禁仍編集饑戶發粟賑之撫院發千金買穀有司擬奉行民間擁聚數萬幾變承芳亟加撫慰民始定早澇每禱輒應人謂積誠所格公餘悉報絲粟不染或以遺僚屬之匱乏者留意學校多士嚮風報最老稚籲留久任六年致仕歸

林繼衡

溫州府志長樂人萬曆十七年由進士知溫州府設策平伏莽之奸措餉安脫巾之伍葺



理學宮修築塘球汰庫頭以便僉收  
調折色以絕侵漁惠政傳於一時

田養盛

舊浙江通志開封人舉人萬曆十九年知瑞安縣清廉嚴重不畏強禦時邑多桀黠廉訪

得實悉拘治之以不能事上官拂衣  
去童叟勉留次日從迂道登舟行

方澄澈

溫州府志六合人萬曆二十一年判溫州常  
例餽遺悉峻却之糧役出納積弊搜剔殆盡

聽訟必諭兩造輸服不輕加笞罰  
官舍止攜蒼頭二人庭清如水

王祚昌

溫州府志號十洲上饒人選貢萬曆四十年  
任瑞安殫心釐剔首以作興人文為已任疾

卒囊無一錢諸父老為置方櫬於通衢  
聽民樂助不決日滿數百緡為之殯殮

繆國維

舊浙江通志吳江人進士萬曆丙辰知溫州  
府裁革常例峻却餽遺禁絕俳優褫衙役統

綺焚於庭力砥靡俗崇獎佳士表彰忠孝節烈政聲卓然

沈立義

溫州府志滌州人萬歷丁巳知樂清縣每值耕斂時輒弛征以紓農力代巡彭鯤化抵縣

卧病凡三月闔省憲屬絡繹省視公私騷擾立義處之裕如民得不困以治行徵

潘士藻

溫州府志字去華婺源人萬歷間為溫州推官夙負士望潛心理學識獄多矜釋株累隱

抑拘格文致者力為昭雪民以不寃政暇進諸士講道論藝擢御史以法裁內侍論謫尋晉尚寶少卿

蔣光彥

溫州府志福建晉江人進士萬歷間守溫州慈祥愷悌尤敦風教祠四賢以樹士林之規

範舉紳約以作黎庶之坊表善政不一

胡賓

平陽縣志號生洲湖廣人舉人萬厯間知浦江縣調繁平陽甫下車訪民間疾苦革衙門積蠹

循分單之良法除火耗之陋規塞龍頸湖建飛龍橋培學宮案山濬城內水以防火患去浮梁復運

糧河以便輸輓士民樂而胥吏憚之秋滿陞寧波府同知闔邑思慕建祠北津

汪獻忠

溫州府志江都人知秦順愛養士民有糞民為豪強所陷白郡守雪其冤力復庠士優免

於全書既刻之後人皆難之

吳綱

溫州府志字外閭南海人以知縣改樂清諭課諸士一遵先儒規則言坊行矩善屬文寒擅六

載清操愈勵遷雲門知縣前此有山陰蔣汝礪臨海王立較皆一時師表學中口碑云前有蔣王後

有吳潘潘

名明遠

劉公允

舊浙江通志湖廣人由鄉薦同知溫州剖決簿書人稱神明贖錢不入私帑悉以賑貧士

修學宮整飭海防民賴以安

劉之藩

溫州府志富順人以鄉薦同知溫州六載革諸弁陋規數十事治器械修壁壘禦災捍患

敬士愛民能片言折獄

畢成源

溫州府志休寧人舉人天啟二年任瑞安令下車即懸示於門曰有一日閒且歸耕爾地

無十分屈莫輕入此門由是農商安業豪猾屏息時兵餉促迫寓催科於撫字不敲扑而自足歲旱

禱雨隨應卒賴有年秩滿去

劉德

平陽縣志字成服下邳人世襲平陽副千戶萬曆間歷鎮下關珠茨營黃華關把總天啟二年

招撫海民王鎮王錦等奉旨獎賞繼而掌平陽所事凡二十五年恩威並著歿後軍民思之

沈龍躍

溫州府志楚雄人天啟六年由舉人知瑞安縣練熟民情裁斷悉中竅要丁祭見俎豆不

備捐金置器歷任五載民無冤抑  
遷貴州知州去之日行李蕭然

潘仲蘭

溫州府志鹽城人天啟間知泰順縣雅負才致作興文教新公館擴縣治政事稱理

馬魯卿

舊浙江通志內江人崇禎間判溫州釐弊去苛節財省訟歷任僉憲贈尚書

沈鍾宿

溫州府志吳江人由舉人崇禎壬申守溫州時海寇薄城運籌調度城中安堵正巳率屬

下吏承望風采悉準於法

宋光黼

溫州府志莆田人崇禎五年知樂清民居火延燒及學舍光黼拜祝取文廟扁額投火中

火逆熄海寇劉香老抄掠沿江燬館頭曹田諸處  
漸逼城光赫率鄉兵登陴固守五閱月而援兵至

賊始退邑  
人德之

吳有涯

平陽縣志號懋紳吳江人舉人崇禎間知平  
陽縣刁民每假人命詐人有涯必親行檢視  
誣即反坐西浦堂僧文臺不法立斃之遐邇咸服  
訟簡刑清間有上官差役奉檄到縣捐俸給以飯  
費隨即備文中覆不令  
久羈滋擾行取權御史

王介慶

溫州府志江西奉新人崇禎間知泰順縣才  
幹明敏課士作人建講堂設射圃修文祥塔  
畫定丁口照人  
輸納以內召去

國朝

熊應鳳

溫州府志字碧山四川鄞都人任溫州守備順治三年平陽初入版圖山寇吳肇馨乘虛

襲城據守應鳳率馬步兵自郡馳至一矢殲其渠魁餘衆潰遁明年西港桐山諸寇兩次攻城俱擊退之及郡兵與大兵先後至搜山勦捕悉資鳳力殲沈可耀陳倉尤四諸賊民德之己亥移汛磐石海逆犯郡圍磐石久不下以大砲裂城應鳳方在城樓急馳下巷戰不屈而死事聞贈副將

賜祭

廕子天琳溫州衛左所拖沙喇哈番公舉事實順治十五年海寇鄭成功圍城應鳳鼓勇率先百計

守禦城陷身負重傷猶殺賊數人被執戮其幼子脅降應鳳詈聲愈厲闔門死者三十二人子天琳亦於康熙甲寅闕變在溫郡殉難贈遊擊

王曉

溫州府志字公旦河南太康人順治三年隨總兵范紹祖副將李必忠下溫州所向無前守秦

順羣賊數萬攻圍曉嬰城  
奮擊後援闕江東橋陣亡

劉矩宗

溫州府志字仲旋陝西渭南人舉人順治十四年任溫州府推官摘伏如神律已廉介紀

綱整肅民知法度不敢縱恣勘治海田豁無田之  
稅甃郡東長堤以時蓄洩倡資修城開通括婺驛  
路前後投誠者  
以萬計卒於官

劉偉

舊浙江通志山東德州人順治十六年以通判  
署樂清縣時縣被寇燬城邑為墟徵餉甚急偉

歎曰民顛連如此重以追求是驅之死也  
我官可罷餉決不可徵力為申請得免

王世顯

舊浙江通志漢陽人順治戊戌進士康熙三  
年知永嘉縣吏事精敏編審里甲均平無私

遷棄後鹽場俱置界外民苦食淡世顯申  
請內地煎燒鹽商百計撓之卒不為動



馬璠

涇州府志陝西人副榜康熙十一年知永嘉縣明決有才值十三年閩變郡帥內叛脅之不從

遂與副使陳丹赤同被害事  
開贈按察使司廕子入監給銀致祭崇祀名宦

魏萬侯

舊浙江通志遼東人武進士任溫鎮左營遊擊康熙甲寅夏閩寇渡飛雲江圍瑞安縣萬

侯率師援擊至北湖嶺斬馘甚衆以後軍不至退保慈湖既而羣寇議集勢不可禦奮勇力戰以死

長子棟亦效於軍萬侯贈副將棟贈國子監助教

傅成

名宦留祀冊陝西人甲寅閩變以遊擊統率七軍恢復溫州撫輯四民潔清學校捐俸贖回散

失子女遺骸悉施棺殮厝調泉州叅將轉直隸山海關副總兵

楊春芳

舊浙江通志四川人康熙十二年任溫州城守副將閩逆犯甌陷賊中逆進犯台州大兵

追躡春芳欲圖內應遣江心寺僧體印寄書為偽  
帥擒獲與僧同磔於市事

賜祭葬加贈卹

蘇木代

舊浙江通志滿洲人任樂清城守副將溫郡  
既陷人無固志木代堅意拒守為其所害

崔堯龍

表忠冊北直人本名魏瑜任樂清營百總康  
熙十三年賊逆偽將曾養性率衆圍瑞安堯

龍從溫協楊春芳往援五月  
十五日遇賊北湖嶺力戰死

徐天平

表忠冊山東歷城人任溫州鎮標左營千總  
閩逆犯浙隨師進勦康熙十五年二月十七

日與賊戰於溫州大西山被創死事  
聞賜祭一壇廕一子衛千總

浙江通志卷一百五十六